

PRAELECTIONES



kat. komp.

103813

1013/14

II

I N

UNIVERSITATE LITTERARUM CAESAREA VILNENSI

A KALENDIS SEPTEMBRIS ANNI MDCCCXIII
AD PRIDIE KAL. IVLII ANNI MDCCCXIV.

HABENDAE

INDICUNTUR

RECTORE ET SENATU ACADEMICO.



VILNAE,

TYPIS IOSEPHI ZAWADZKI
ACADEMIAE TYPOGRAPHI

Rebety 11/14

103813

II 1813/14



Biblioteka Jagiellońska



1002355664

I.

PRAELECTIONES PHYSICORUM ET MATHEMATICORUM.

STEPHANUS STUBIELEWICZ, Phil. D. Physices Prof. P. O. diebus Lunae, Mercurii, Iovis et Saturni, ab hora IX ad XI^{mae} dimidium, cursum Physicae generalis explicaturus, praemissis notionibus de generalibus corporum proprietatibus, statim perget ad expositionem Staticae liquidorum in genere: quibus absolutis sequentur tractatus de Calorico, Aqua, Aere, Electricitate et Magnetismo: tum ultimo loco veniet doctrina de Luce, quam per singulas eius partes accurate exponendo, Physices hunc cursum conficiet.

ANDREAS SNIADOCKI, Phil. ac Med. Doctor, Collegiorum a Consil. Reg. Soc. Litt. Varsov. Sodalis, Chemiae Prof. P. O. principia Chemiae universae ad Elementa nuper a se edita, novisque demum observationibus ac recentissimis experimentis aucta, in Laboratorio Chemico exponet, diebus Lunae, Martis, Iovis et Veneris ab horae XI dimidio ad XII ordine sequenti. Expositis primis Chemiae universae principiis, exponet primo theoriam ac leges affinitatum; tum tractatum de luce ac calorico, unde doctrinam generalem de fluidis aeriformibus ac de solutione derivabit. Quam expositionem tractatus de corporibus simplicibus seu non-decompositis, tam solidis quam aeriformibus, in specie excipiet. Ex proprietatibus vero gas oxygenii theoriam combustionis deducet; qua exposita mox aget de corporibus combustis, quae in oxyda acidaque perfecta et imperfecta dividet, eorumque proprietates singulatim indicabit. Dein de acido muriatico simplici oxygenato ac superoxygenato disseret, recentissimasque de eorundem natura opiniones scrutabitur. Simili ratione naturam alcalium ac terrarum examinabit, recentioraque experimenta, quae ea oxydis metallicis adnumerare suadent, enucleabit. Quibus absolutis, immorabitur aliquantum doctrinae de corporibus salinis, historiamque ac proprietates metallorum uberius exponet. Postremo Chemiam substantiarum organicarum aggredietur, expositisque generalibus principiis, de earundem analysi, differentiis, qualitatibus, usuque technico, oeconomico ac medico fusius disseret.

B. STANISLAUS JUNDZILL Phil. et Theol. D. Reg. Societ. Litt. et Oecon. Vars. nec non Caesar. Societ. Mosquens. Scrutat. naturae Sodalis, Botanices et Zoologiae Prof. P. O. primo tradet Zoologiam universam. Expositis nempe generatim de natura animalium notionibus, institutaque solita divisione in classes et ordines, juxta recentissimas observationes, genera omnia et species singulatim illustrabit, earumque patriam, mores, usus etc. indicabit. Peracto cursu hoc ad Botanicam transibit, ac, praemissa brevi disciplinae huius historia, 1) ad Elementa a se edita exponet Physiologiam vegetabilium; 2) Terminologiam botanicam universalem; 3) instituet criticam variorum systematum analysin, methodum Linneanam prae ceteris scrutaturus; 4) denique ad plantarum, juxta methodum sexualem, indicationem practicam perget, cum Horti Botanici copiis instructus, tum excursions, quas dicunt, botanicas cum auditoribus suis factururus; diebus Lunae, Martis, Jovis et Veneris, ab hora II ad IV dimidium.

THOMAS ZYCKI Phil. D. Matheseos Prof. P. O. diebus Lunae et Jovis ab horae VIII matutinae dimidio ad IX, diebus vero Martis et Veneris a IX ad XI dimidium docebit 1) Algebram includendo omnes ejus partes: ubi non solum cum simplicibus, sed etiam cum exponentialibus, radicalibus et imaginariis quantitibus omnes operationes: determinatae, indeterminatae atque superiorum graduum aequationes, series recurrentes, fractiones continuae, functiones transcendentes, logarithmi, alterumque etiam transcendentium genus Arcus circuli, simulque modi tabulas tam logarithmicas quam trigonometricas condendi, locum habebunt. 2) Applicatio ejusdem Algebrae ad lineas curvas, praecipue ad lineas secundi ordinis, sectionum conicarum nomine insignitas, ad alias etiam lineas transcendentes, secundum praesentem Matheseos in Europa statum ejusque exponendi methodum, instituetur. Imo praeter differentialem, integram et variationum calculum, alteram Matheseos sectionem constituentem, quod solummodo ad perfectum absolutumque Matheseos purae cursum pertineret, nihil omittendum curabit.

ZACHARIAS NIEMCZEWSKI Phil. D. Societ. Ital. Sodalis, Matheseos sublimioris applicatae Prof. P. O. diebus Martis, Mercurii, Veneris et Saturni ab horae VIII dimidio ad IX, exponet principia Calculi differentialis, nec non regulas differentiandi omnes functiones unius vel plurium variabilium tradet, atque usum ejusdem in inveniendis maximis et minimis quantitibus functionum unius vel duarum variabilium, in investigandis proprietatibus Curvarum superiorum ordinum, demonstrabit. Absoluto calculo differentiali, perget ad Calculum integra-

lem, ubi tractabit 1) de integratione functionum unius variabilis, qualescunque hae sint functiones, commensurabiles, incommensurabiles, integrae aut fractae, algebraicae vel transcendentes; 2) de integratione aequationum differentialium omnium ordinum, ubi agetur praecipue de separatione variabilium, de inveniendi factore, ope cuius aequatio differentialis in nonnullis casibus fit integrabilis, de solutionibus particularibus; 3) de integratione differentialium partialium omnium ordinum. Denique explicabit methodum Variationum, cuius latissimus est usus in Mechanica coelesti et analytica. Peracto iam cursu Calculi differentialis et integralis, tradet Mechanicam, ubi leges aequilibrii, parallelograma virium ac leges motus ope analyseos exponet.

CAESARIUS KAMIENSKI Phil. D. Universitatis Adjunctus, diebus Martis et Veneris ab hora IX mat. ad XI dimidium, Saturni autem die ab horae XI dimidio ad XI et dimidium, Trigonometriae sphaericae expositis principiis, ac inde deductis formulis, ad quas calculi triangulorum sphaericorum tam rectangulorum, quam obliquangulorum sunt revocandi; perget ad solutionem omnium casuum, qui in triangulis occurrere possunt: his alias formulas trigonometricas commodiores superaddet. Quo peracto, orditur Cursum Astronomiae, in quo 1) notiones sphaerae coelestis ejusque circulorum, duce libro Joannis Sniadecki, ex phaenomenis a motu diurno et annuo telluris pendentibus depromptae explanabuntur; enumeratis illusionibus opticis, e revolutione diurna telluris circa axem suum et annua circa solem sequentibus, explicabit motum apparentem Solis, horumque phaenomenorum causam generalem, atque ea, quae ex allatis phaenomenis consequuntur, uti sunt dies noctesve, eorumque diversa longitudo, vicissitudo tempestatum anni, solstitia et aequinoctia; dein de mensura temporis ejusque divisione et horologiis disseret. 2) Usus Trigonometriae sphaericae in calculandis positionibus astrorum, varia applicando exempla ex observationibus astronomicis desumpta; artem observandi ac instrumentorum astronomicorum constructionem et usum indicabit. 3) Examini subjiciet phaenomena refractionis, parallaxeos, aberrationis, nutationis axis terrestris et praecessionis aequinoctiorum, eorum causam atque calculum ad determinandas veras positiones corporum coelestium. 4) Aggredietur systema mundi, ejusque ordine exposito, theoriam Planetarum primariorum et secundariorum nec non Cometarum tradet: motus scilicet eorum tam apparentes quam veros, leges gravitatis, secundum quas absoluntur, inaequalitates ex mutuis perturbationibus oriundas explanabit. Problemata varia ad exploranda Planetarum loca geocentrica et heliocentrica percurrent: usum Ta-

bularum Astronomicarum, earumque cum observationibus comparisonem docebit et exemplis indicabit. 5) In tradenda theoria motuum Lunae explicabuntur ejus phases, praecipua elementa ex observationibus astronomicis deducta; causae physicae, quae diversas inaequalitates in motu Lunae produciunt, ac phaenomena in motu telluris a gravitate Lunae pendentia. Denique doctrinam eclipsium Solis, Lunae aliorumque satellitum, nec non occultationis astrorum per lunam, earumque calculum tractabit.

Mineralogiam docebit Magister ad hoc munus designatus, diebus Merc. et Sat. ab horae III dimidio ad IV pomer. die autem Solis ab hora II ad IV pomer.

Diebus Mart. Jov. et Sat. ab horae XI dimidio ad XII. Topographia tradetur, methodusque delineandarum geometricae positionum ad usus civiles, oeconomicos et militares accomodata, exponetur a Magistro ad hoc munus designato.

II.

PRAELECTIONES MEDICORUM.

JOANNES ANDREAS LOBENWEIN Med. et Chir. Doctor, Colleg. a Consil. Caes. Acad. Medico-Chirurg. Corresp. Ordinis hujus Decanus, Anatomiae hum. et Medicinae forensis Prof. P. O. dum redux Vilnam fuerit, praelectiones in Anatomiam et Medicinam forensam instituet diebus et horis designandis.

AUGUSTUS BECU Phil. et Med. D. a Cons. Aul. Ordinis S. Vladimiri IV cl. Eques, Reg. Soc. Vars. et Ienner. Londin. Sodal. Pathologiae et Hygienae Prof. P. O. diebus Lun. Merc. Jov. et Sat. ab hora IX usque ad XI dimidium, exponet cursum Pathologiae generalis et specialis sua elementa secuturus; quo non interrupto, mensibus aestivis, diebus et horis serius designandis, praemissa Anatomia et Physiologia populari, Hygienam docebit; Clericorum Seminarii Vilnensis usibus praecipue accomodatam, cui Politiae medicae capita nonnulla, quantum in eorum rem fuerit, subjunget.

FERDINANDUS SPITZNAGEL Med. et Chir. D. a Consiliis Collegiorum, Caes. Soc. Mosqu. Scrut. Nat. Sodal. Therapiae generalis et Materiae Medicae Prof. P. O. diebus Lunae, Martis, Jovis et Veneris ab horae XI matutinae dimidio usque ad XII. Cursum praelectionum incipiet a Therapia generali, quacum Materiam generalem et Pharmacocatalogiologiam seu methodum formulas medicas praescribendi, conjunget. His absolutis, in Mate-

ria medica speciali docebit singula corpora medica plus minus usitata, fusius vero interpretabitur illa, quae in potioribus Europae Pharmaciis, maxime vero illa, quae in Pharmacopoea Rossica et Pharmacopoeia castrensi Ruthenica asservata prostant. Cursum absolvit Toxicologia seu cognitio venenorum: illorum noxa, antidota, et si quis est illorum usus medicus, indicabitur.

JOSEPHUS FRANK Phil. et Med. D. Colleg. a Consil. Collegii Praefectorum rei medicae Sodalis, Ordinis S. Vladimiri IV classis Eques, Therapiae specialis et Clinices Prof. P. O. quotidie ab horae IX dimidio ad X dimidium, in Nosocomio adhuc designando doctrinam Medicam curandis morbis adaptabit, tradetque sexies per hebdomadam ab horae X dimidio ad XI dimidium, ad praeccepta sua Praxeos medicae eam Therapiae specialis partem, quae ad febres et morbos cutis, sensuum, cerebri, medullae spinalis, nervorum, tracheae, pulmonum, cordis, vasorumque sanguinis circulo dicatorem spectat. Neque deerit clinicis occupationibus in Nosocomio hora V ad VI vespert. observandis.

Bibl. Jagl

JOANNES FRIDERICUS NISZKOWSKI, Med. et Chirur. Doctor, Scholae Med. Parisiensis, necnon Societatis Ital. Sodalit, Chirurgiae Prof. P. O. diebus Lunae, Martis, Jovis et Veneris, ab horae III dimidio ad IV, exponet doctrinam de morbis externis, illis praecipue, quorum curatio applicationem manus, aut operationem chirurgicam exigit; hasce operationes demonstrabit in subjectis mortuis aut etiam vivis, prout se se offeret occasio, in Instituto Clinices Universitatis vel in nosocomiis externis.

ANDREAS MATUSEWICZ Phil. et Med. D. Artis Obstetriciae Prof. P. O. ejusdem Artis cursum theoretico-practicum peraget, diebus Martis et Veneris ab hora IX usque ad X et dimidium coram feminis obstetricibus; diebus autem Mercurii et Saturni ab horae VIII dimidio usque ad IX coram viris.

LUDOVICUS HENRICUS BOIANUS Med. et Chir. D. Ordinis S. Vladimiri IV cl. Eques, Caes. Acad. Medico-Chirurg. Corresp. Veterinariae Medicinae Prof. P. O. post suum reditum Veterinariam Medicinam docebit, diebus et horis designandis.

JOANNES WOLFFGANG Phil. D. Coll. Asses. Reg. Soc. Oecon. Vars. Sodalit, Pharmacologiae et Pharmaciae Prof. P. Extraord. diebus Lunae, Mercurii et Jovis ab hora II pomeridiana ad III et dimidium, tractabit doctrinam de pharmacis simplicibus seu Pharmacologiam, in qua cuiuslibet producti naturalis ad usum medicum destinati exponet characteres, indolem, patriam, tempus et rationem acquirendi vel colligendi nec non conservandi; atque his omnibus adjunget criteria, quorum ope medica-

menta bonae notae ab adulteratis, corruptis et falsis distinguere licet. In doctrina de medicamentis compositis seu Pharmacia, expositis imprimis iis omnibus conditionibus et regulis, quae ad Imperii leges vel expeditionem formularum a medicis praescriptarum, vel calculi artem in pharmacopoliis tenendam, vel denique ipsos pharmacopoeos proxime spectant; describet cujuslibet in specie praeparati pharmaco-chemici normam praeparandi, operationes pharmaceuticas in laboratorio coram auditoribus instituet, theoriam earum et singulas proprietates tam physicas quam chemicas docebit, ut omni in casu bona indoles dati pharmaci, vel circa illud fraus commissa, ope reagentium detegi possit.

NICOLAUS MIANOWSKI, Phil. Med. et Chir. Doctor, Universitatis Adjunctus, diebus Jovis et Veneris ab hora VIII ad IX duce libro Prof. Andreae Sniadecki, explicabit Physicam corporum organicorum in genere, et hac terminata, exponet Physicam organismi humani seu Physiologiam hominis in specie. Idem usque ad reditum Prof. Lobenwein, Anatomiam hum. bis per hebdomadam docebit.

III.

PRAELECTIONES IN ORDINE PROFESSORUM SCIENTIARUM MORALIUM ET POLITICARUM.

JOANNES HENRICUS ABICHT, Philos. Doct. et Prof. P. O. a pomeridiana hora IV ad V et dimidium usque, sexies per hebdomadem Psychologiae partem I., de animae viribus earumque natura, legibus ergo, facultatibusque primis agentem, ex libro suo, cujus editio paratur, Initia Philosophiae proprie sic dictae lib. I. inscripto, exponet: qua absoluta, iisdem horis septimana quavis ter 1) Logicam, quae veritatis indagandae viam ac rationem ostendit, ex dictatis tradet, simulque exercitationes logicas instituet; ter autem 2) Philosophiam practica universalem ex hypomnematibus explicabit.

SIMON MALEWSKI Phil. et Jur. Civ. Doct. Colleg. a Cons. Ordinis hujus Decanus, Juris naturae et gentium Prof. P. O. diebus Martis, Jovis et Saturni ab horae VIII matut. dimidio ad IX, Mercurii autem et Veneris diebus ab hora VIII ad IX, docebit Jus naturae, Jus naturale politicum et Jus naturale gentium: explanaturus his tractatibus ea omnia, quibus societates humanae, civiles et politicae stabiliuntur; speciatim vero im-

morabitur deducendis principiis Justitiae atque obligationum socialium: ducibus Compendiis Godofredi Achenwall latino et Hieronymi Stroynowski vernaculo sermone ad usum Auditorum typis vulgatis, quibus celebriorum auctorum placita subjunget.

ALOYSIUS CAPPELLI Phil. et J. U. D. Juris Civilis et Poenalis veterum et recentiorum celebriorum Gentium Prof. P. O. diebus Lunae, Martis et Mercurii hora XI-XII. Iurisprudentiae Romanae fundamenta perpendet, illamque cum Anglorum et Borussiae legibus conferendo criticis animadversionibus illustrabit. Diebus autem Veneris et Saturni ab horae XI dimidio usque ad XII Judicii seu Processus criminalis theoremata exponet.

PHILIPPUS NERIUS GOLANSKI, Phil. et Theol. D. Ord. S. Annae II cl. Eques, nuper SS. Litterarum et Eloquendae Sacrae Prof. P. nunc Emeritus, futuram Ordinarii electionem praestolando, si sibi per valetudinem licuerit, munus illius ad aliquod tempus suppleturus, solitis diebus et horis, libros Prophetarum et Psalmorum, eosque, qui nomine Sapientiae veniunt, (quod elapso anno nondum perfecerat) evolvendos explicandosque eo modo, quem hactenus tenuit, in se suscipit: nimirum ut propugnandae veritati ac Christianae morum doctrinae potissimum servire possit.

AUGUSTINUS TOMASZEWSKI Phil. et Theol. D., Theologiae Dogmaticae, et Historiae Ecclesiasticae Prof. P. O., Theologiae cursum triennio conficiendum hoc anno aperiet, ducendo initium, iuxta consuetum in scholis morem, ab expositione fundamentorum, quibus dogmaticae propositiones sunt superstruendae, sive cum auctoritati credere, sive cum rationis luce in rebus fidei uti sit opus. Hoc peracto, praescriptas regulas ad tractatum de Sacra Scriptura et de Christi Ecclesia applicabit, in iisque exponendis, diutius, ut par est, immorabitur. Tandem, ut rei elucidandae maior lux affulgeat majusque pondus accedat, percurrendo sex priora saecula enarrabit cum crisi, qua ratione propagatores ac defensores Fidei nostrae Catholicae hisce ipsis regulis usi sunt tam in propugnanda revelata veritate, quam in propulsandis ab ea cunctis erroribus fictisque opinionibus.

JOANNES CANTIUS CHODANI Th. D. Theologiae Moralis ac Pastoralis Prof. P. O. diebus Lunae, Mercurii, Veneris et Saturni ab hora IX ad X et dimidium, officia Christiani ad Deum, se ipsum ac proximum relata, cum interiora tum exteriora, explanabit.

JOANNES ZNOSKO Phil. D. Reg. Societ. Litter. Varsov. Sodalis, a Consil. Aul. et Universitatis a Litteris, diebus Martis et Veneris ab hora IX ad X et dimidium, tradet Oeconomiam politicam ad Compendium vernaculo ser-

mone a se vulgatum, Theoriam Adami Smith potissimum secuturus, eamque adjectis recentiorum in hac scientia scriptorum opinionibus, ac disquisitione diversorum in ea pertractanda systematum illustraturus.

SIMON FELIX ŻUKOWSKI, Universitatis Adjunctus, diebus Martis et Jovis ab horae VI dimidio ad VII pomeridianam, Linguae hebraicae praecepta tradet; tiro-nibus Chrestomathiam Vateri, profectionibus vero Anthologiam Fessleri Hebraicam explicabit. Praeterea tradet Archaeologiam Biblicam, seu doctrinam Antiquitatum Hebraicarum, duce Joanne Jahn.

IV.

PRAELECTIONES IN ORDINE PROFESSORUM LITTERATURAE ET ARTIUM ELEGANTIORUM.

EUSEBIUS SLOWACKI, Eloquentiae et Poeseos Prof. P. O. diebus Lunae, Martis, Jovis et Veneris a dimidio IX ad X primo Aestheticam, seu doctrinam ex Philosophia Pulchri in scientias et artes amoeniores deductam, tractabit. Praemissis dein elementis Grammatices universalis, disseret de arte bene dicendi et scribendi, totamque disciplinam elocutionis oratoriae, ad ductum scripti sui, explanabit. Peracto hoc cursu Theoriam Poeseos, postremo vero Eloquentiae tradet: et varia earum amoeniorum scientiarum genera pertractaturus, historiam litterariam, cum critica clariorum auctorum, qui vernaculo sermone scripserunt, uberius expromet.

GODOFREDUS ERNESTUS GRODDECK, Phil. D. Linguae et Litterarum Graecarum et Romanarum Prof. P. O. sexies per hebdom. h. X-XI. Homeri Iliadis aliquot rhapsodias explicabit, et Demosthenis orationem palmariam, anno superiore enarrari coeptam, absolvet; quater, diebus Lunae, Martis, Jovis et Veneris h. I-II praeter Horatii Epistolas, quas cum illa ad Pisonem, quae vulgo Ars poetica dicitur, exponere perget, Ciceronis pro Ligario orationem et Quintilianum de Inst. Or. l. X particulam, in qua optimorum utriusque linguae scriptorum census agitur, enarrabit; bis, Merc. et Sat. dieb., eadem hora, Encyclopaediam philologicam Füllebornio duce tradet: selectioris etiam Philologiae studiosorum coetus exercitationes cum latine scribendi, disserendi disputandique, tum accurate interpretandi, e graecis quidem scriptoribus Platonis dialogum, qui Crito inscribitur, e latinis autem Valerii Flacci Argonautica, binis per hebdom. horis

pomeridianis, ut hactenus fecit, sua sponte moderabitur.

JOANNES JOANNIDES CZERNIAWSKI, Phil. D. Linguae et Litterarum Rossicarum Prof. P. O. Linguam et Litteraturam Rossicam post suum reditum docebit diebus et horis designandis.

JOSEPHUS SAUNDERS, Acad. Art. Caesar. Petropol. et Reg. Stockholm. Sodalis, Chalcographiae, Artium Elegantiorum Litteraturae ac Litterarum Anglicarum Prof. P. O. 1) Lunae et Veneris diebus ab horae II dimidio ad III, praemissa vocabulorum in artibus tradendis receptorum explicatione, Gallo-Francorum utens sermone, Artium Liberalium disquiret initia, incrementa, florem, vicissitudines, interitum, primo apud veteres populos, maxime apud Indos, Hebraeos, Aegyptios, Persos, Etruscos, Graecos, Romanos, tum renata earum studia in Italia, et quae mox ibi exstiterunt, scholas diversas; porro Artium indolem atque fata in Germania, Belgio, Hollandia, Gallia, Hispaniis, Anglia, Dania, Svecia, Polonia et Rossia persequetur: deinde singularum Artium, ut Sculpturae, Picturae, Chalcographiae, vim ad humanitatis, morum, vitaeque cultum declarabit, variosque usus indicabit, quos politicae, rerum commerciis, historiae, litterarum studiis, omnino illae adferre putandae sint; postremo disseret de iis, quae in optimo ipsorum Artium cultore desiderantur, deque vi, quam in easdem diversi coeli tractus exercent. 2) Martis et Jovis diebus itidem ab horae II dimidio ad III, nunc Franco-gallorum, nunc Anglorum vicissim lingua utens, Litteraturae Anglicae cursum persequetur, ac primo Dav. Hume's History of England, deinde vero Thompson's Seasons et Pope's Windsor Forest explicabit. 3) Artis Chalcographicae Studiosorum exercitationes reget quotidie, Solis caeterisque diebus exceptis, ab hora VIII mat. usque ad meridiem.

PHILIPPUS NERIUS GOLANSKI Phil. et Theol. D. Ord. S. Annae II cl. Eques, SS. Litterarum et Eloquentiae Sacrae Professor Emeritus, solitis diebus et horis, praemissis Sacrae praesertim Eloquentiae praeceptis, Orationibus sacris pro concione, tam diebus festis quam dominicis per annum, et subinde pro opportunitate locorum quoque demum tempore habendis, ac tandem funebribus materiam suppeditabit: nequitiam exercitationibus in dicendo et praxi auditorum defuturus.

ALOYSIUS CAPPELLI, Phil. et J. U. Doctor, Ordinis huius Decanus, Juris Civilis et Criminalis nec non Linguae et Litterarum Italicarum Prof. P. O. diebus Lunae, Mercurii et Veneris h. V-VI pomerid. Tironibus Linguae Italicae praecepta, provectoribus vero 1)

Torquati Tassi vitam, ac 2) celeberrimum illius Poema La Gerusalemme liberata inscriptum enarrabit.

JOANNES RUSTEM, a Consil. Aul. Artis delineandi Prof. P. E. omnibus diebus per hebdomadem ab hora V vespertina ad VII, regulas Artis delineandi tradet et explicabit; ad lampadis quoque lucem discipulos, tam ex antiquis quam anatomicis figuris, deinde de vivo exemplari, formas ducere exercebit.

SIMON FELIX ŻUKOWSKI, Universitatis Adjunctus, diebus Lunae et Mercurii ab horae VI dimidio ad VII pomeridianam, Grammatices Graeci sermonis expositioni subjunget interpretationem Chrestomathiae Jacobsii. Praeterea Luciani libellos duos, qui inscribuntur de mercede conductis et Rhetorum praeceptor interpretabitur. Idem Antiquitates graecas praecipue Atticas, ex Lamberti Bos descriptione exponet.

BENIAMIN HAUSTEIN, Univers. Adjunctus, diebus Lunae et Mercurii ab horae IV dimidio ad V Linguae Germanicae praecepta tradet, et historiam Polonicam auctore Waga Germanico sermone interpretabitur; Ven. autem die, eadem hora, Historiam Litteraturae Germanicae, nempe scriptorum Germanorum, qui in quolibet solutae orationis genere excelluere, exponet. Idem diebus Lun. Merc. et Ven. h. V - VI. Elementa Linguae Anglicae docebit.

JOANNES PINABEL, Univers. Adjunctus, Linguae Gallo-Francorum Elementa ac humaniores ejusdem Litteras docebit, diebus et horis post reditum ipsius designandis.

JOANNES DAVID HOLLAND, Lunae, Merc. et Vener. diebus h. III - IV. Musicae veteris et recentioris disciplinam tradet, doctrinamque de sonorum numeris (Contrapunct) de diversorum intervallorum usu, de sonorum figuris totis et dimidiatis (Cadences), de siglis continuis (General-Bass) et de compositione musica exponet.

Artes Gymnasticas, cum saltationis, tum rudibus vel pugnatoriis armis batuendi, publice docebunt harum Artium Magistri, diebus et horis designandis.

Bibliothecam Academicam aperient diebus Lunae, Mercurii et Veneris hora III - V. **GODOFR. ERN. GRODDECK** Bibliothecae Acad. Praefectus, Custodesque Bibliothecae Acad. **STANISLAUS BAKOWSKI** a Cons. Aul. et **SIMON FELIX ŻUKOWSKI** Universitatis Adjuncti.

